

## II.

- 1 Assiduus clamor dominis est maximus angor;  
 Ad te clamabo, quia te constanter amabo.  
 Debueram melius quod non, sed polleo peius.  
 Omnis res mecum pendet, ceu vitis ad ulmum,  
 5 Consiliis vacuus, velud est ex fructibus alnus,  
 Hic nihil augebo, sed perdita prima dolebo.  
 Fucus enim vilis sumit mihi nectara mellis;  
 Quicquid apis confert, hoc fucus inutilis aufert.  
 Omnia que tenui sic turpiter evacuavi.  
 10 Prima nec obtineo, nec ad altera prosper abibo.  
 Presul et antistes, vita sitis hac bene sospes,  
 Gratia celestis confirmet tempora vobis  
 Et vos custodiat, nimius quem clerus adorat.  
 Temporibus vestris sit pax et gloria felix.  
 15 Vivitur in mundo iam nunc rumore sinistro;  
 Quinimo egrotat, quia magna superbia regnat,  
 Omnis et est populus per inania multa iocosus.  
 Sufficit, ut taceam, ne sim lapsurus in iram;  
 Sepius auget homo dampnum sibi vera loquendo,  
 20 Ad te, mi senior, speciali laude revertor.  
 Ex propriis meritis vicio nec fraude notaris.  
 Queso recordari tabula signata priori.  
 In te confido, quantum virtutis habebo;  
 Tu decus omne tuis certa sub sorte probaris.  
 25 Gaudia mortalis pompe non falsa requiris.  
 Qui tibi subduntur tua vel precepta sequuntur.

Die folgende Zeile ist ausradiert; die Schrift der nächstfolgenden letzten Seite ist ausgelöscht worden.

---